

Қишлоқ хўжалиги ва экология статистикаси бўлими туғрисида

НИЗОМ

I. Умумий қоидалар

1. Ушбу Низом Ўзбекистон Республикасининг 2002 йил 12 декабрдаги “Давлат статистикаси тўғрисида”ги Конуни ҳамда Ўзбекистон Республикаси Президентининг 2017 йил 31 июлдаги “Ўзбекистон Республикаси Давлат статистика қўмитаси фаолиятини такомиллаштириш чора-тадбирлари тўғрисида”ги ПҚ-3165-сон қарори ҳамда Ўзбекистон Республикаси Давлат статистика қўмитаси қабул қилган бошқа меъёрий хужжатлари асосида ишлаб чиқилди.

2. Қишлоқ хўжалиги ва экология статистикаси бўлими Қорақалпоғистон Республикаси статистика бошқармасининг таркибий бўлинмаси ҳисобланади ва бошқарма бошлиги раҳбарлигига фаолият кўрсатади.

3. Қишлоқ хўжалиги ва экология статистикаси бўлими Ўзбекистон Республикаси Конституцияси, Ўзбекистон Республикаси қонунлари, Олий Мажлис қарорлари, Ўзбекистон Республикаси Президентининг қарор ва фармонлари, Ўзбекистон Республикаси Вазирлар Махкамасининг қарор ва фармойишлари, Давлат статистика қўмитасининг буйруқлари, Қорақалпоғистон Республикаси статистика бошқармасининг буйруқлари ва белгиланган тартибда тасдиқланган йўриқнома ва меъёрий ҳужжатларга амал қилган ҳолда иш тутади.

4. Бўлим юридик шахс мақомига эга эмас.

II. Бўлимнинг асосий вазифалари

5. Қишлоқ хўжалиги ва экология статистикаси бўлимининг асосий фаолияти қўйидаги вазифаларни ҳал этишга йўналтирилади:

- Қорақалпоғистон Республикаси иқтисодий ва ижтимоий жараёнларини ҳар томонлама характеристловчи статистика ва ҳисбот кўрсаткичларнинг тезкорлигини, ишончлилигини, холислигини ва изчилигини таъминлаш:

- статистика ахборотининг қулайлигини, аниқлигини ва ошкоралигини кенгайтириш ишларини амалга ошириш;

- статистика ишларини ташкил этишнинг статистика ахборотини йиғиш, қайта ишлаш ва умумлаштириш тартибига ҳар қандай аралашибни истисно қилувчи тизимини таъминлаш;

- Қорақалпоғистон Республикаси бўйича ижтимоий-иқтисодий ҳодисалар ва жараёнлар тўғрисида статистика ахборотларини йиғиш, қайта ишлаш, тўплаш, саклаш, умумлаштириш, таҳлил қилиш ва эълон қилишни амалга ошириш;

- Қорақалпоғистон Республикаси худудлари ва тармоқларида иқтисодий ва ижтимоий ривожлантириш дастурлари, ижтимоий-иқтисодий масалалар юзасидан Олий Мажлис қарорлари, Ўзбекистон Республикаси Президентининг қарор ва фармонлари, Вазирлар

Маҳкамасининг қарорлари ва фармойишларини бажариш мақсадида статистика кузатувларини амалга ошириш;

- Давлат органлари ва фуқароларнинг ўзини ўзи бошқариш органларини, юридик шахсларни, давлат муассасаларини ва халқаро ташкилотларни ҳамда жамоатчиликни статистика ахборати билан белгиланган тартибда таъминлаш;

- статистика органларини замонавийлаштириш ҳамда статистика ахборотини тезкорлик билан узатиш, статистика бўйича ягона ахборот тизимини янада ривожлантириш, унинг Қорақалпогистон Республикаси бошқа ахборот тизимлари билан ўзаро мувофиқлиги ва боғлиқлигини таъминлаш;

- статистика ахборот ресурсларининг ҳавфсизлигини таъминлаш ва ахборот-ҳисоблаш тизимини рухсатсиз фойдаланишдан ҳимоя қилиш;

- статистика органлари кадрлари малакасини изчил асосда оширишни таъминлаш;

- хўжалик шартномалари асосида корхоналар ва ташкилотларга ахборот-ҳисоблаш хизматлари кўрсатишига доир статистик ва бошқа ишларни бажариш.

- худудий ва иқтисодиёт тармоқларида юзага келаётган тенденциялар фактор ва сабабларини очувчи ҳисбот давридаги статистик таҳлил усулларини қўллаган ҳолда таҳлил материаллари, ёзувлари ва маъruzаларини тайёрлаш ва уларга давлат ҳокимияти ва бошқаруви органлари ҳамда хўжалик бошқаруви органларига тақдим этиш;

- иқтисодиёт тармоқлари, ижтимоий соҳа ва худудларни ривожлантириш Давлат дастурлари бажарилишининг бориши тўғрисида таҳлилий ёзувларни тайёрлаш ва уларни маъсул ижрочиларга тақдим этиш;

- иқтисодиёт ва ижтимоий соҳанинг долзарб масалалари бўйича прессрелиз ҳамда мақолаларни, шунингдек ҳисбот даврида республиканинг ижтимоий-иктисодий ривожланишини характерловчи статистик маълумотларни тайёрлаш ва оммовий ахборот воситаларида эълон қилиш;

- ҳисбот даврида республика ва унинг худудларини ижтимоий-иктисодий ривожлантириш кўрсаткичларини бошқарманинг расмий веб-сайтига жойлаштириш;

- статистика бошқармасининг расмий веб-сайти ва кўрсатилаётган интерактив хизматлар мазмунидан қониқиши ҳосил қилганлиги ҳусусида статистика маълумотларидан фойдаланувчилар орасида мунтазам равишда сўровлар ўтказиш;

- ишончли давлат статистик ҳисботларни хўжалик юритувчи субъектларга тақдим этиш бўйича улар билан ҳар томонлама ҳамкорлик қилиш, статистик маълумотларни тақдим этиш соҳасида ҳуқуқбузарликлар профилактикаси ва ҳуқуқий маданиятни оширишнинг ишлайдиган механизмларини ишлаб чиқиш;

- статистик маълумотларни йиғиши, қайта ишлаш, узатиш ва тарқатишининг замонавий ахборот комуникация технологияларини кенг татбиқ қилиши.

6. Бўлим қонун хужжатларига мувофиқ бошқа вазифаларни ҳам амалга оширади..

III.Бўлимнинг асосий функциялари

7. Кишлоқ хўжалик ва экология статистикаси ишлари бўлимнинг ўз зиммасига юкланган вазифаларига мувофиқ қўйидаги функцияларни бажаради;

- давлат статистика принцплирига риоя этилишини таъминлайди;

- статистика ишларининг кўп йиллик ва йиллик дастурларининг бажарилишини таъминлайди;

- статистика кузатувлари дастурларининг самарали амалга оширилишини, статистика ахборотларини қайта ишлаш, тўплаш, сақлаш ва тарқатишни таъминлайди;

- давлат статистика хисоботи шаклларини ва уларни тўлдиришга доир йўриқномаларни доимий ўрганиб боради ва белгиланган тартибда уларни такомиллаштириш юзасидан таклифлар тайёрлайди;

- белгиланган тартибда муҳим ижтимоий иқтисодий муаммолар бўйича мониторингни ташкил қиласди ва ва амалга оширади;

- Қорақалпоғистон Республикаси худудлари ва тармоқларида рўй берадиган ижтимоий–иқтисодий жараёнларни комплекс тахлил қилиш учун статистика кўрсаткичларининг ахборот тизимини таъминлайди:

- Қорақалпоғистон Республикаси қишлоқ хўжалик корхоналарида иқтисодий ислоҳатларнинг боришини, қишлоқ хўжалик корхоналари, фермер хўжаликлари, дехқон хўжаликлари, қишлоқ хўжалик соҳасида фаолият юритаётган кичик корхона ва микро фирмалар фаолиятларини ҳамда қишлоқ хўжалик корхоналарида, бозор муносабатлари, асосий воситалар харакати ва бозор инфратузилмасининг вужудга келишини, нархлар динамикасини, давлат, корхона ва иқтисодиёт тармоқларининг молиявий ахволини, меҳнат бозорлари, инвестиция ва демографик жараёнлари, меҳнат ресурслари динамикаси ва таркибини, меҳнатга ҳақ тўлаш ва унинг шартларини, ижтимоий соҳа хуқуқий тартибот ва экологиянинг ахволини, иқтисодиёт секторлари ва тармоқлари фаолият кўрсатиши динамикасини, статистика кузатувларини амалга оширади;

- Қорақалпоғистон Республикасидаги энг муҳим иқтисодий ва ижтимоий жараёнлар ва ходисаларнинг дастлабки статистик таҳлилини амалга оширади;

- статистика фаолияти, шу жумладан давлат ахборот тизимлари ва ресурсларини юритиши масалалари бўйича норматив–хуқуқий хужжатлар лойихаларини ишлаб чиқиша белгиланган тартибда таклифлар тайёрлайди;

- статистика кузатувлари ва расмий статистика ахборот–тушинтириш ишларини амалга оширади;

- миллий қонун хужжатларига ва тавсияномаларга мувофиқ статистика маълумотларининг махфийлигини таъминлайди;

- маълумотларни тайёрлаш методларини, тартибини ва сифатини такомиллаштириш негизида барча фойдаланувчиларга очиқ статистика ахборотларини тарқатади ва уларни фойдаланиш учун кенг шароитлар билан таъминлайди.

8. Бўлим қонун хужжатларига мувофиқ бошқа функцияларни ҳам бажаради.

IV. Бўлимнинг хуқуқ ва мажбуриятлари.

9. Бўлим қўйдаги хуқуқларига эга:

- давлат ва хўжалик бошқаруви органларидан, фуқароларнинг ўзини ўзи бошқариш органларидан, банклардан, бошқа юридик шахслардан (зарур ҳолларда уларнинг ваколатхоналари ва филиалларидан) давлат статистика хисоботларини олиш ҳамда улардан статистика мақсадларида фойдаланиш;

- юридик ва жисмоний шахслар, шу жумладан якка тартибдаги тадбиркорлар фаолиятининг давлат статистика кузатувларини ўтказиш ва олинган маълумотлардан статистика мақсадларида фойдаланиш;

- давлат ва хўжалик бошқаруви органларидан, давлат статистика ишларини олиб бориш учун зарур бўлган маълумотларни (уларни тайёрлашнинг ҳар қандай босқичида), шунингдек уларга илова қилинадиган тушунтиришларни сўраш ва олиш;

- олинаётган давлат статистика маълумотларининг тўлиқлиги, холислиги ва ишончлилигини экспертизадан ўтказиш;

- давлат статистика маълумотларида қоидабузарликлар аниқланган тақдирда, уларни бартараф этиш ҳақида кўрсатмалар бериш ҳамда жамланма давлат статистика маълумотларига тегишли тузатишлар киритиш;

- юридик шахслар ва якка тартибдаги тадбиркорларни давлат рўйхатидан ўтказишни амалга оширувчи органлардан Корхоналар ва ташкилотларнинг ягона давлат регистрини юритиш учун зарур маълумотларни олиш;

- давлат органлари, юридик шахслар, уларнинг ваколатхоналари ва филиаллари, статистика маълумотлари тақдим этувчи якка тартибдаги тадбиркорлар томонидан бажарилиши мажбурий бўлган меъёрий ҳужжатларнинг бажарилишини белгилangan тартибда талаб қилиш;

- давлат статистика қузатувлари методологияси ва уларни ташкил этиш, шунингдек расмий статистика ахбороти билан боғлиқ масалалар бўйича ахборот-тушинтириш ишларини амалга ошириш;

- олинаётган статистика маълумотларининг тўлиқлиги, ишончлиги ва холислигини экспертизадан ўтказиш;

- Қорақалпоғистон Республикаси ҳудудидаги муассасалар ва ташкилотларда статистика маълумотларининг ишончлилиги ва тўлиқлигини белгилangan тартибда текшириш;

- статистика ҳисботи кўрсаткичларида бузилишлар аниқланган тақдирда уларни бартараф этиш тўғрисида кўрсатмалар бериш ва статистика маълумотларига тегишли тузатишлар киритиш;

- статистика маълумотларини тақдим этиш тартиби интизомининг бузилишига йўл қўйган ҳамда яширин ва ноқонуний ишлаб чиқаришни, пул маблағларининг банкдан ташқари айланишини яширишга ва корхоналар фаолиятини холисона баҳолашнинг бузилишига сабаб бўладиган, унинг муассислари ва акциядорлари манфаатларига зарар келтирадиган нотўғри статистика маълумотларини қасдан тақдим этган шахсларга нисбатан Ўзбекистон Республикаси қонун ҳужжатларига мувофиқ маъмурий ҳукуқбузарлик тўғрисидаги баённомаларни расмийлаштириш;

- статистика ҳисботини қасдан нотўғри тақдим этган ҳолда қўпол қонун бузилишига йўл қўйган шахсларни қонунчиликка мувофиқ маъмурий ва жиноий жавобгарликка тортиш юзасидан белгилangan тартибда таклифлар киритиш.

10. Бўлим ўзига тегишли вазифалар доирасида статистика соҳасидаги қонунчиликда белгилangan ягона сиёсатнинг самарали амалга оширилиши учун жавоб беради.

11. Бўлим ходимлари Ўзбекистон Республикасининг «Давлат статистикаси тўғрисида»ги Конуни талабларини бузганлик учун, ёхуд мазкур қонун бузилишларига кўмаклашганлик учун қонунга мувофиқ маъмурий ва жиноий жавобгарликка тортилади.

12. Бўлим бошлиғи бўлимга берилган топшириқларни ўз вақтида ва сифатли бажарилиши, меҳнат интизомининг ҳолати ҳамда ўзига бириктирилган бошқа вазифаларни бажарилиши устидан маъсулдир.

13. Бўлим қонун ҳужжатларига мувофиқ бошқа ҳукукларга ҳам эга бўлиши ва мажбуриятларни бажариши мумкин.

V. Бўлимнинг ташкилий ва функционал структураси

14. Бўлим низоми ва лавозимлар йўриқномаси бошқарма бошлиғи томонидан тасдиқланади;
15. Бўлимни мазкур низоми асосида бўлим бошлиғи бошқаради.
16. Бўлим бошлиғи эгаллаб турган лавозими бошқарма бошлиғи томонидан тайинланади ва озод этилади.
17. Бўлимнинг иш режаси ва иш ҳисоботи, бошқарма бошлиғи томонидан тасдиқланади.
18. Бўлим шартлари сони ва иш ҳақи миқдори Қорақалпоғистон Республикаси статистика бошқармаси штат жадвали асосида белгиланади.